

Communicaziun a las medias dals 5 d'avrigl 2023

La BCG porscha 60 jobs da stad en il gaud da muntogna

Ils jobs da stad da la BCG van en la proxima runda. Fin ils 23 d'avrigl 2023 pon giuvnas e giuvenis tranter 15 e 19 onns s'annunziar per in dals 60 plazs. Las emnas da project vegnan offeridas da la Banca Chantunala Grischuna (BCG) en collavuraziun cun il Project en favur dal gaud da muntogna.

Las quatter emnas da project han lieu il fanadur a Cuira, Küblis, Cazas e Glion. Ils giuvenils fan tranter auter sendas d'inspeziun e saivs da protecziun cunter la selvaschina e tgiran il gaud giuven e las surfatschas naturalas protegidas. La lavur quotidiana en il gaud è strapatschusa, ma ella vegn a restar en regurdientscha sco eveniment nunemblidaivel. Per lur engaschi en favur da la protecziun dal gaud da muntogna indigen survegnan las giuvnas Grischunas ed ils giuvenis Grischuns ina paja da 500 francs. A la fin da mintga emna da project datti in'occurrentza da finiziun cun ina tchaina cuminaivla, a la quala èn envidads er ils geniturs dals giuvenils.

Las emnas da project da la BCG e dal Project en favur dal gaud da muntogna, ina fundaziun d'utilitad publica cun sedia a Trin, vegnan organisadas il 2023 per l'indeschavla giada. Questa cooperaziun dat a la BCG la chaschun s'engaschar per il gaud da protecziun grischun ed a medem temp da porscher als giuvenils in'occupaziun raschunaivla durant las vacanzas. Tgi ch'è motivà, lavura gugent giadora da tutt'aura ed ha plaschair da s'engaschar per la natira, po s'annunziar fin ils 23 d'avrigl 2023 sin la pagina-web gkb.ch/sommerjobs.

Video davart il Project en favur dal gaud da muntogna:

- [en tudestg](#) (YouTube)
- [cun suttitels talians](#) (YouTube)

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsuradis, ses fond da contribuziuns e sias puschidas per lavur voluntara.